



ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ՊԵՏԱԿԱՆ ԵԿԱՄՈՒՏՆԵՐԻ ԿՈՄԻՏԵ  
ԻՐԱՎԱԲԱՆԱԿԱՆ ՎԱՐՉՈՒԹՅՈՒՆ  
ՎԱՐՉԱԿԱՆ ԱԿՏ N 1516332  
ՀԱՐԿԱՅԻՆ ՊԱՐՏԱՎՈՐՈՒԹՅՈՒՆՆԵՐԻ ՀԱՇՎԱՐԿՄԱՆ ԵՎ  
ԳԱՆՁՄԱՆ ԱՌԱՋԱԴՐՄԱՆ ՎԵՐԱԲԵՐՅԱԼ

26 ապրիլի 2022թ.

ք. Երևան  
(կազմման վայրը)

**Ակտի հասցեագրեր**

**«ՖԱՈՒՆԱ ԶՕՕ» ՍՊԸ**

(անհատ ձեռնարկատիրոջ անունը, ազգանունը (անհատ ձեռնարկատիր նշումով) կամ իրավաբանական անձի անվանումը)

|   |   |   |   |   |   |   |   |
|---|---|---|---|---|---|---|---|
| 0 | 0 | 4 | 8 | 4 | 9 | 0 | 4 |
|---|---|---|---|---|---|---|---|

(հարկ վճարողի հաշվառման համարը՝ ՀՎՀՀ-ն)

**Ք. Երևան, Գ. Մահարու փ. 148**

(անհատ ձեռնարկատիրոջ հաշվառման հասցեն կամ իրավաբանական անձի գրնվելու վայրի հասցեն)

**Խախտման նկարագրությունը**

ՀՀ ՊԵԿ ՀՕՀ վարչության պետի 31.03.2022թ-ի թիվ 1516332 որոշման համաձայն «Ֆաունա Զօօ» ՍՊԸ-ի նկատմամբ իրականացվել են օպերատիվ-հետախուզական միջոցառումներ:

Իրականացված ՕՀՄ-ի շրջանակներում 11.04.2022թ-ին ընկերության տնօրեն՝ Նաիրա Սարգսյանի կողմից ներկայացված ապրանքների հաշվապահական մնացորդի վերաբերյալ տեղեկանքի և փաստացի (առկա) ապրանքների համադրման, համեմատության արդյունքում ընկերությունում հայտնաբերվել է ապրանքների քանակական պակասորդ: ՕՀՄ-ի ընթացքում 11.04.2022թ-ին ընկերության տնօրեն Նաիրա Սարգսյանի կողմից 11.04.2022թ-ին տրված գրավոր հայտարարությամբ պարզվել է նաև, որ ընկերության կողմից 07.04.2022թ-ին «Վոլցվագեն» մակնիշի 27 ՕՍ 210 հաշվառման համարանիշի ավտոմեքենայով ընկերության՝ ք. Երևան, Գ. Մահարու 148 հասցեից Կոտայքի մ. գ. Առինջ իրականացվել է՝ ընդամենը 2.057.009 ՀՀ դրամ արժեքով կենդանիների տեղափոխում՝ առանց համապատասխան ուղեկցող փաստաթղթերի, մասնավորապես՝

1. Հովազ 1 հատ-633.645 ՀՀ դրամ,
2. Կարապ սև 4 հատ\*21.716 ՀՀ դրամ=86.864 ՀՀ դրամ,
3. Կոկորդիլոս 9 հատ\*148.500 ՀՀ դրամ=1.336.500 ՀՀ դրամ,

ՀՀ ՊԵԿ տեղեկատվական բազայի ուսումնասիրությամբ պարզվել է, որ ընդհանուր 2.057.009 ՀՀ դրամ արժողությամբ կենդանիների տեղափոխման համար հարկ վճարողի կողմից 07.04.2022թ-ի դրությամբ դուրս գրված չի եղել համապատասխան ուղեկցող փաստաթուղթ:

Թիվ 1516332 արձանագրությամբ 12.04.2022թ. հարուցվել է վարչական վարույթ: Կողմը, պատշաճ ծանուցված լինելով, չի ներկայացել 19.04.2022թ-ին նշանակված վարչական

վարույթի լուսմներին: Գործում առկա չեն լրացուցիչ ապացույցներ, չեն ներկայացվել միջնորդություններ:

Այսպիսով, «Ֆաունա Զօօ» ՍՊԸ-ի կողմից խախտվել է ՀՀ հարկային օրենսգրքի 57-րդ հոդվածի 1-ին մասի պահանջները, ըստ որի ՀՀ տարածքում մատակարարվող կամ տեղափոխվող՝ շարժական, նյութական գույք հանդիսացող ապրանքների (բացառությամբ հանրային ծառայություններ մատուցող հարկ վճարողների կողմից հանրային ծառայությունների ենթակառուցվածքները շահագործելու և (կամ) սպասարկելու նպատակով տեղափոխվող ապրանքների, Կառավարության սահմանած ցանկում ներառված ոլորտներում գործունեություն իրականացնող հարկ վճարողների կողմից տեղափոխվող հիմնական միջոցների, ինչպես նաև խողովակաշարերով և էլեկտրահաղորդման գծերով ապրանքների և արտարժույթի) մատակարարումը կամ տեղափոխությունը պարտադիր կարգով իրականացվում է ուղեկցող փաստաթղթերով:

Կատարված խախտման համար պատասխանատվություն է նախատեսված ՀՀ հարկային օրենսգրքի 410-րդ հոդվածի 1-ին մասի 1-ին կետով, ըստ որի «Օպերատիվ-հետախուզական գործունեության մասին» ՀՀ օրենքով սահմանված կարգով իրականացվող օպերատիվ-հետախուզական միջոցառումների ընթացքում ապրանքների մատակարարման կամ տեղափոխության փաստաթղթավորման համար Օրենսգրքով սահմանված պահանջների խախտման՝ Օրենսգրքով սահմանված պահանջները չբավարարող ուղեկցող փաստաթղթով կամ առանց ուղեկցող փաստաթղթի ապրանքների մատակարարման կամ տեղափոխության հայտնաբերման դեպքում, բացառությամբ սույն հոդվածով սահմանված դեպքերի, խախտման հիմք հանդիսացող գործարքի կամ գործողության մասով՝ գանձվում է տուգանք այդ ապրանքի գնի (արժեքի) 50 տոկոսի չափով, բայց ոչ պակաս 200 հազար դրամից:

Տվյալ դեպքում «Ֆաունա Զօօ» ՍՊԸ-ի կողմից խախտումը վերջին 1 տարվա ընթացքում կատարվում է առաջին անգամ: Ընդհանուր գումարը կազմել է 2.057.009 ՀՀ դրամ, որի 50 տոկոսը կազմում է 1.028.504,5 ՀՀ դրամ, ուստի օրենսդրական պահանջից ելնելով «Ֆաունա Զօօ» ՍՊԸ-ի նկատմամբ կիրառելի է 1.028.504 ՀՀ դրամի չափով տուգանք:

Ելնելով վերոգրյալից և ղեկավարվելով ՀՀ հարկային օրենսգրքի 428-րդ հոդվածի 1-ին մասով, ՀՀ ՊԵԿ նախագահի 28.08.2019թ. N 562-Լ հրամանով.

#### Որոշեցի

1. Հաշվարկել և «Ֆաունա Զօօ» ՍՊԸ-ին գանձման առաջադրել 1.028.504 ՀՀ դրամի չափով տուգանք՝ որպես հարկային պարտավորություն, համաձայն ստորև ներկայացված աղյուսակի՝

|                                                                               | Վճարման<br>ենթակա<br>գումար (դրամ) | Վճարման<br>ուղղությունը | հաշվի համարը |
|-------------------------------------------------------------------------------|------------------------------------|-------------------------|--------------|
| Հարկային օրենսգրքի<br>410-րդ հոդվածով<br>սահմանված տուգանք<br>ընդամենը, որից՝ | 1.028.504                          | պետական բյուջե          | 900008000490 |

2. Ընդունել ի գիտություն՝

1) Սույն վարչական ակտն օրենքով սահմանված ժամկետում անբողոքարկելի դառնալուց հետո՝ օրենքով սահմանված ժամկետում վարչական ակտով առաջադրված տուգանքը չվճարվելու դեպքում, ենթակա է հարկադիր կատարման:

2) Սույն վարչական ակտն ընդունված է համարվում ստորագրվելու օրվանից և ուժի մեջ է մտնում հասցեատիրոջն իրազեկելուն հաջորդող օրվանից:

3) Սույն վարչական ակտն ուժի մեջ մտնելուց երկամսյա ժամկետում կարող է բողոքարկվել վարչական կամ դատական կարգով:

4) Սույն վարչական ակտը կազմվել է երեք օրինակից:

**ԻՎ ԿԵՐՈՒ Ա. Մնացականյան**

Վարչական ակտն ընդունող պաշտոնատար անձի  
պաշտոնը, անունը և ազգանունը



ստորագրությունը

**Կ.Տ.**

**Ստացա ակտի մեկ օրինակը**

**ընդամենը 3 էջ**

**տնօրեն Նաիրա Սարգսյան**

Ֆիզիկական անձի անունը, ազգանունը  
(անհատ ձեռնարկատիրոջ դեպքում՝ անհատ  
ձեռնարկատեր նշումով) իրավաբանական անձի գործադիր  
մարմնի ղեկավար (գրագրության բնութման համար  
պարասխանագրու անձ՝ հատուկ առարկան դեպքում)

ստորագրությունը

**2022թ.**

(նշում ակտը ստորագրելուց և (կամ) ստանալուց հրաժարվելու մասին)